

CONVENIO DE COLABORACIÓN ENTRE A CONSELLERÍA DE EMPREGO E IGUALDADE E A FUNDACIÓN MONTE DO GOZO PARA A REALIZACIÓN DUN PROGRAMA EXPERIMENTAL DE EMPREGO BASEADO NA FORMACION EN RESTAURACIÓN A IMPARTIR NA COMUNIDADE TERAPÉUTICA PROXECTO HOME GALICIA DENTRO DAS POLÍTICAS ACTIVAS DE EMPREGO DIRIXIDAS A COLECTIVOS VULNERABLES NO MARCO DO PLAN DE RECUPERACIÓN, TRANSFORMACIÓN E RESILIENCIA

Santiago de Compostela, 30 de decembro de 2021

REUNIDOS

Dunha banda, M^a Jesús Lorenzana Somoza, Conselleira de Emprego e Igualdade, actuando en nome e representación da Xunta de Galicia, en virtude do Decreto 112/2020, do 6 de setembro, polo que se nomean os titulares das vicepresidencias e consellerías da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia.

Doutra parte, D. Ramón Gómez Crespo, con DNI 34608912F, en calidade de Director do Proxecto Home Galicia e apoderado da Fundación Monte do Gozo (en virtude de poder outorgado na xunta de Patróns da Fundación Monte do Gozo celebrada en Santiago de Compostela o 10.01.2011), con CIF G-15258213, con domicilio na Rúa Cotelengo nº 2, 15702 Santiago de Compostela que actúa no seu nome e representación.

Interveñen en función dos seus respectivos cargos en exercicio das facultades que, para convir en nome das entidades que representan, teñen conferidas



EXPOÑEN

Primeiro.- A Fundación Monte do Gozo ven desenvolvendo na Comunidade Autónoma de Galicia o programa terapéutico-educativo "PROXECTO HOME", que abrangue un significativo conxunto de subprogramas que van dende o programa tradicional; ao programa educativo para mozos e adolescentes; os programas de alcoholismo, drogadicción e ludopatías; a comunidade terapéutica urbana etc... .

A finalidade dos devanditos programas de tratamento e rehabilitación, como alternativa terapéutica comporta tamén o logro dunha maior autonomía das persoas neles participantes, da que a integración no mercado laboral, sería o seu máximo expoñente.

Segundo.- A Fundación Monte do Gozo, a través do Proxecto Home, perseque a rehabilitación terapéutica das persoas con adiccións, así como a súa integración socio-laboral.

En concreto este convenio contempla actuacións cun deseño de itinerarios personalizados de inserción laboral e desenvolvemento de habilidades sociais e laborais no sector da restauración.


Esos servizos conformados por un conxunto de profesionais e recursos específicos orientados no concreto marco de actuación incrementan as posibilidades de reducir a inactividade laboral das persoas que se atopan en programas socioterapéuticos para a recuperación de adiccións.

Terceiro.- Esa actuación da Fundación Monte do Gozo orientada a persoas na última fase de tratamento no PROXECTO HOME GALICIA, cuxo obxectivo último é a súa total inserción sociolaboral, constitúe unha alternativa coadjuvante da acción pública nese campo, mais tamén conforma un



programa específico que aborda de xeito integral as necesidades destas persoas e, facéndose un itinerario individualizado dos seus requirimentos específicos. O programa incrementará a integración social das persoas participantes, mediante a adquisición de competencias técnicas e habilidades sociais. Todas estas capacitacións permitirán a curto prazo unha mellora na empregabilidade, na calidade de vida e no éxito de proceso de rehabilitación das persoas drogodependentes que participan nesta acción formativa.

Cuarto.- O Estatuto de autonomía de Galicia, no seu artigo 29, atribúelle á Comunidade Autónoma, en concordancia co artigo 149.1.7ª da Constitución española, a competencia para a execución da lexislación do Estado en materia laboral, asumindo as facultades, funcións e servizos correspondentes a este ámbito.

 **Quinto.-** A Consellería de Emprego e Igualdade, a través da Dirección Xeral de Formación e Colocación ten entre outras, as competencias en materia de dirección e coordinación das actuacións da consellería en materia de intermediación e orientación laboral, cualificación profesional, promoción da empregabilidade e formación profesional para o emprego e, singularmente, a coordinación da participación das entidades colaboradoras, sen ánimo de lucro, na execución e desenvolvemento dos servizos de políticas activas de emprego, a través da colaboración público-privada.

Sexto.- O Consello Europeo aprobou o pasado 21 de xullo de 2020 o instrumento financeiro Next Generation EU, que inclúe como elemento central, un Mecanismo para a Recuperación e a Resiliencia (MRR) cuxa finalidade é apoiar o investimento e as reformas nos estados membros para lograr unha recuperación sostible e resiliente, permitindo levar a cabo reformas tanto a nivel nacional como en cogobernanza coas comunidades autónomas con competencias transferidas.





En liña co anterior, o Acordo do Consello de Ministros do 27 de abril de 2021 aprobou o Proxecto de Plan de Recuperación, Transformación e Resiliencia para España e este foi aprobado pola Comisión Europea o 16 de xuño de 2021.

Sétimo.- Unha das políticas panca do Plan de Recuperación, Transformación e Resiliencia (VIII) trata de deseñar unha nova política dos coidados e do emprego e, en concreto o compoñente 23 do Plan, refírese a conseguir que as políticas públicas de emprego permitan avanzar nun mercado de traballo dinámico, resiliente e inclusivo, dando impulso ás ditas Políticas Activas de Emprego.

Oitavo.- O Consello de Ministros, na súa reunión do 6 de xullo de 2021, autorizou os criterios de distribución de fondos para o exercicio 2021, dos créditos xestionados polas comunidades autónomas con competencias estatutariamente asumidas no ámbito de políticas activas de emprego para o financiamento de proxectos de investimento no marco, entre outros, do compoñente 23 *"Nuevas Políticas Públicas para un mercado de trabajo dinámico, resiliente e inclusivo"*.

Dentro das actuacións que corresponde levar a cabo ás Comunidades Autónomas, no marco do dito compoñente 23 do Plan de Recuperación, Transformación e Resiliencia, está a de desenvolver, en xeneral, proxectos de emprego para o "reequilibrio territorial e a equidade dos colectivos especialmente vulnerables", que logren maximizar o impacto das reformas sobre a creación de emprego de calidade, o aumento da produtividade e a redución das brechas sociais, territoriais e de xénero.

Noveno.- A Lei 9/2007, do 13 de xuño, de subvencións de Galicia, prevé a concesión directa de subvencións cando se acrediten razóns de interese público, social ou económico. No mesmo senso, exprésase o artigo 36.c do Decreto





11/2009, do 8 de xaneiro, polo que se aproba o regulamento da lei. Por outra parte, o artigo 40.1 do mesmo decreto posibilita a concesión de subvencións directas mediante convenio, nos casos en que se acrediten razóns de interese público, social ou económico.

Décimo.-Dado o carácter singular das actuacións que se van desenvolver en base a razóns de interese social e ao interese prioritario de establecer unha colaboración o máis estreita posible entre a Consellería de Emprego e Igualdade e a Fundación Monte do Gozo para o desenvolvemento dalgunhas das medidas previstas no Plan de Recuperación, Transformación e Resiliencia, que corresponde executar á Comunidade Autónoma de Galicia, neste caso, Novos Proxectos territoriais para o reequilibrio e a equidade, e, especificamente dentro do eixo, colectivos especialmente vulnerables, estímase xustificada a non procedencia de promover a concorrência pública para os efectos da subscripción deste convenio, pois a Fundación Monte do Gozo resulta un axente idóneo pola súa acreditada experiencia no eido da rehabilitación terapéutica e apoio á integración socio-laboral das persoas en tratamento por drogodependencia dentro do PROXECTO HOME GALICIA.

A Lei 9/2021, do 25 de febreiro, de simplificación administrativa e de apoio á reactivación económica de Galicia, establece no seu artigo 67 que, para os expedientes de gasto financiados con fondos do mecanismo de recuperación, no caso de que a súa tramitación se inicie no exercicio corrente pero a súa execución orzamentaria non vaia ter lugar ata o exercicio seguinte ou outros exercicios posteriores, será posible a súa tramitación anticipada ao longo do dito exercicio, e poderá chegar ata a fase de formalización do compromiso de gasto no exercicio corrente.

Décimo Primeiro.- En virtude do anterior, e acreditado que a Fundación cumpre cos requisitos establecidos para obter a condición de beneficiario, segundo o artigo 10 da Lei 9/2007, do 13 de xuño, de subvencións de Galicia,





ambas as dúas partes acordan subscribir o presente convenio de acordo coas seguintes:

CLÁUSULAS

Primeira.- Obxecto do convenio

O obxecto xeral deste convenio é establecer as condicións polas que se rexerá a colaboración entre a Fundación Monte do Gozo e a Consellería de Emprego e Igualdade para a realización dun programa experimental de emprego baseado na formación en restauración a impartir na comunidade terapéutica PROXECTO HOME GALICIA dentro das políticas activas de emprego dirixidas a colectivos vulnerables.

A participación no dito programa experimental de emprego baseado na formación de restauración canalízase cun deseño de itinerarios personalizados de inserción laboral e desenvolvemento de habilidades sociais e laborais no devandito sector da restauración.

E máis especificamente perséguense os seguintes obxectivos:

- Acoller, informar e orientar sobre o itinerario máis adecuado a seguir.
- Favorecer o desenvolvemento de habilidades sociolaborais.
- Dotar ás persoas participantes dos coñecementos técnicos necesarios para o desempeño dun oficio.
- Garantir o acceso ao mercado laboral das persoas participantes a través de contratos no ámbito da restauración, xestionados pola propia Fundación.

A Fundación coordinará a execución para cada persoa dun conxunto de medidas de diferente natureza, en execución e colaboración na implantación das políticas activas de emprego, dirixidas a incrementar as posibilidades de





inserción laboral destas persoas segundo as actividades establecidas na cláusula cuarta do convenio.

Segunda.- Compromisos das partes

A Fundación comprométese a utilizar os medios materiais e persoais cos que conta que resulten necesarios para desenvolver o obxecto do convenio, ademais dos coñecementos e experiencia previa para o deseño, organización e desenvolvemento do programa de restauración destinado á inserción sociolaboral das persoas na última fase do proceso de rehabilitación terapéutica da drogodependencia dentro do Proxecto Home Galicia, apoiando esta acción integradora, coa finalidade de deseñar e de levar a cabo medidas específicas para este colectivo de persoas dentro das políticas activas de emprego.

A Consellería de Emprego e Igualdade, colaborará no financiamento dos gastos derivados desta iniciativa de conformidade co establecido na cláusula quinta.

Terceira.- Marco normativo específico de aplicación ao Convenio relativo ao Plan de Recuperación, Transformación e Resiliencia.

O marco normativo básico reitor deste instrumento, sen prexuízo da normativa en materia de subvencións, e especificamente no relativo ao Plan de Recuperación, Transformación e Resiliencia, financiado pola Unión Europea-Next Generation, ven representado polas seguintes disposicións:

Regulamento (UE) 2020/2094, do 14 de decembro de 2020, polo que se establece un Instrumento de Recuperación da UE para apoiar a recuperación tras a crise da COVID-19

Regulamento (UE) 2021/241, do 12 de febreiro, polo que se establece o Mecanismo de Recuperación e Resiliencia (MRR)





XUNTA
DE GALICIA

CONSELLERÍA
DE EMPREGO
E IGUALDADE



Xacobeo 21-22



ESPAÑA
PUEDE.



Plan de Recuperación, Transformación e Resiliencia (PRTR) de España
(aprobado o 16/06/2021 por Decisión do Consello de Europa)

Real decreto lei 36/2020, do 30 de decembro, polo que se aproban medidas urxentes para a modernización da Administración pública e para a execución do PRTR

Lei 9/2021, do 25 de febreiro, de simplificación administrativa e de apoio á reactivación económica de Galicia

Orde HFP/1030/2021, do 29 de setembro, pola que se configura o sistema de xestión do PRTR

Orde HFP/1031/2021, do 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico y Local para o seguimento do cumprimento de fitos e obxectivos e de execución orzamentaria e contable das medidas dos compoñentes do PRTR.

Cuarta.- Actividades a desenvolver

A Fundación Monte do Gozo e a Consellería de Emprego e Igualdade co obxectivo declarado de lograr a inserción sociolaboral das persoas na última fase do proceso de rehabilitación terapéutica da drogodependencia dentro do Proxecto Home Galicia concretan as seguintes actuacións que levará a cabo a Fundación cos participantes:

1. **Cociña en directo:** colaborando co xefe ou xefa de cociña, ou en casos de maneira autónoma, na preparación, posta a punto da súa área de traballo, aprovisionamento, conservación e manipulación de materias primas, así como na elaboración de diferentes preparacións básicas, pratos sinxelos e sobremesas de cociña, observando sempre as



normas de seguridade e hixiene no traballo e seguindo as instrucións dun profesional cualificado.

2. Cociña en diferido: elaborando de maneira autónoma, preparacións básicas, pratos sinxelos e sobremesas de cociña, arrefriar e/ou envasar, etiquetar, almacenar ou empacquetar para a súa distribución inmediata ou para a súa conservación e posterior rexeneración e distribución, observando sempre as normas de seguridade e hixiene no traballo e seguindo as instrucións dun profesional cualificado.

Ademais, as actuacións a desenvolver por parte da Fundación desenvolveranse coa seguinte metodoloxía :

- Formación teórico-práctica
- Seguimento e acompañamento socioeducativo por parte do educador e o en cargado no lugar de traballo.
- Formación activa e acompañada dentro do posto de traballo.
- Coordinación cos recursos necesarios en que sexa necesaria a intervención: sociais, formativos, de orientación
- Prácticas laborais en empresas, con contrato laboral.

A duración do programa será de 1.400 horas e estrutúrase en tres módulos de tres meses de duración cada un.

Os gastos deberán estar realizados e pagados entre o 1 de xaneiro de 2022 e o 15 de novembro de 2022 . En ningún caso o seu custo poderá ser superior ao valor de mercado.

Quinta.- Financiamento

A Consellería de Emprego e Igualdade achegará a cantidade total de noventa e dous mil euros (92.000,00€) con cargo á aplicación orzamentaria 11.05.322A.481.4 (código de proxecto 2022 00099) dos orzamentos xerais da Comunidade Autónoma de Galicia para o ano 2022 cara ao financiamento do obxec-

to do Convenio e no marco do "Plan de Recuperación, Transformación e Resiliencia – Financiado pola Unión Europea – Next GenerationEU".

O presente convenio tramítase ao abeiro do disposto no artigo 25 do Regulamento da Lei de Subvencións de Galicia e no artigo 1.1 da Orde da Consellería de Economía e Facenda, do 11 de febreiro de 1998, pola que se regula a tramitación anticipada de expediente de gasto, na redacción dada pola Orde do 27 de novembro de 2000, modificada pola Orde do 25 de outubro de 2001, polo que queda a concesión das subvencións sometida á condición suspensiva de existencia de crédito adecuado e suficiente no momento da resolución de concesión.

Sexta .- Gastos subvencionables

O importe da subvención destinarase a cubrir os gastos efectivamente realizados pola entidade relativos aos seguintes conceptos subvencionables ao abeiro deste convenio, conforme aos artigos 28 e 29 da Lei de subvencións de Galicia. Considéranse gastos subvencionables aqueles que, de xeito indubidable, respondan á natureza da actividade subvencionada. En particular, comprenden os seguintes:

- a. Recursos humanos: gastos de persoal, integrando os custes salariais e de seguridade social do persoal habitual ou contratado especificamente para este convenio, especificando a porcentaxe de dedicación.
- b. Gastos de axudas de custo e desprazamentos do persoal imputado ao convenio, necesarios para o desenvolvemento das accións, atendendo ás contías fixadas no Decreto 144/2001, do 7 de xuño, sobre indemnización por razón do servizo ao persoal con destino na Administración autonómica de Galicia.
- c. Servizos externos: contratacións con entidades externas necesarias para o desenvolvemento das actuacións ao abeiro deste convenio.
- d. Gastos de enerxía eléctrica, auga ou combustible, directamente relacionados co actividade obxecto deste convenio; tamén os gastos de comunicacións, limpeza, seguridade, seguros, nos mesmos termos .



e. Outros gastos relacionados co servizo como os gastos financeiros, os gastos de asesoría xurídica, os gastos de asesoría financeira, os gastos notariais e rexistrais especialmente derivados de créditos bancarios formalizados coa finalidade de dispoñer de efectivo para a realización do obxecto da subvención concedida mentres non sexa aboada pola Administración, de conformidade cos termos e dentro dos límites previstos no artigo 29, apartado 7 da lei 9/2007 de Subvencións de Galicia.

f. Os custos indirectos segundo o establecido polo artigo 29, apdo. 9 da lei 9/2007 de Subvencións de Galicia e o artigo 42.6 do Decreto 11/2009 polo que se regula o Regulamento da Lei de Subvencións de Galicia.

Sétima.- Xustificación e pagamento

A Fundación deberá presentar toda a documentación xustificativa das actuacións realizadas coa data límite do 1 de decembro de 2022.

Toda a documentación incluída na xustificación presentarse por vía telemática, de acordo co artigo 14.2 da Lei 39/2015, do 1 de outubro, do procedemento administrativo común das Administracións Públicas.

A Fundación xustificará a totalidade da contribución efectuada pola Consellería de Emprego e Igualdade, mediante os seguintes documentos:

a) Certificación expedida polo órgano da entidade que teña atribuídas as facultades de control do cumprimento da finalidade do convenio suscrito e da aplicación dos fondos destinados a tal efecto que inclúa unha relación detallada dos gastos realizados, con identificación do acredor/a e do documento, o seu importe, a data de emisión e a data de pagamento, acompañada das facturas ou documentos de valor probatorio equivalente no tráfico xurídico mercantil ou con eficacia administrativa, así como dos



documentos acreditativos dos gastos efectivamente pagados antes da finalización do período de xustificación.

No caso de non achegarse os orixinais, acompañarase unha declaración asinada polo órgano competente da entidade indicando que as facturas orixinais están en poder da entidade.


A xustificación do pagamento dos gastos subvencionables deberá acreditarse mediante transferencia bancaria, certificación bancaria ou extracto bancario, nos que deberá quedar claramente identificados o/a receptor/a e o emisor/a do pagamento. Non se admiten os pagos en efectivo.

Para o suposto de que os gastos que se xustifiquen fosen inferiores á financiación estipulada por parte da Consellería de Emprego e Igualdade, diminuírase do pagamento a parte non xustificada.

b) Declaración complementaria do conxunto de axudas, ingresos ou recursos percibidos, de ser o caso, procedentes de calquera administración ou entes públicos ou privados, estatais, da Unión Europea ou de organismos internacionais para financiar as mesmas actuacións previstas no convenio.

c) Declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública da comunidade autónoma ou ben as certificacións acreditativas de estar ao día no cumprimento das ditas obrigas.

d) Memoria de actuación con indicación das actividades realizadas, número de persoas participantes en cada unha delas e un resumo global dos resultados obtidos, nos termos establecidos nos artigos 48 e seguintes do Decreto 11/2009, do 8 de xaneiro, polo que se apuraba o Regulamento da Lei 9/2007, do 13 de xuño, de subvencións de Galicia. A dita memoria entregárase tamén en formato editable



Unha vez comprobada a realización das actuacións previstas no convenio, expedirase certificado acreditativo da verificación realizada e tramitarase o pagamento.

Se o importe xustificado fose menor ao previsto na cláusula quinta deste convenio e sempre que se cumpra coa finalidade inicialmente prevista, procederá o pagamento na contía que sexa obxecto de xustificación.

A Consellería de Emprego e Igualdade resérvase o dereito a solicitar toda a documentación que se considere precisa en relación coa xustificación do obxecto do presente convenio.

Oitava .- Pagamentos a conta

Poderanse realizar pagamentos a conta por un importe de ata o 80% do importe do convenio conforme ao artigo 62 do Regulamento da Lei de subvencións de Galicia, aprobado polo Decreto 11/2009, do 8 de xaneiro, que poderán supoñer a realización de pagamentos fraccionados que responderán ao ritmo da execución das accións subvencionadas, aboándose por contía equivalente á xustificación presentada.

De acordo co establecido no artigo 65.4.f) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, en relación cos artigos 62.3 e 67 do mesmo corpo legal, a Fundación queda exonerada da constitución de garantías.

Novena.- Obrigas das partes

A Fundación está obrigada a:

- Desenvolver as actuacións recollidas na cláusula cuarta deste convenio e que constitúen o seu obxecto, e xustificar a realización da actividade e o cumprimento da finalidade prevista .

- Realizar a divulgación das actuacións segundo as instrucións que determine a Consellería de Emprego e Igualdade e facer constar expresamente en toda publicidade ou presentación pública que se realice o logotipo da Xunta de Galicia, e demais logotipos estipulados pola Comunidade Autónoma de Galicia, ou o Estado). Singularmente e atendendo ao seu financiamento, resulta aplicable o artigo 34.2 do Regulamento (UE) 2021/241 conforme ao cal *os perceptores de fondos da Unión farán mención da orixe desta financiación e velarán por darlle visibilidade, incluído, cando proceda, mediante o emblema da Unión e unha declaración de financiación adecuada que indique "financiado pola Unión Europea – NextGenerationEU", en particular cando promovan as accións e os seus resultados, facilitando información coherente, efectiva e proporcionada dirixida a múltiples destinatarios, incluídos os medios de comunicación e o público.*
- Ser titular e suxeito pasivo de todas as obrigas tributarias á Administración e á Seguridade Social correspondentes ás accións das que se derive o pagamento de impostos, retencións e cotas que conlevan as actuacións derivadas da execución do convenio.
- Someterse ás actuacións de supervisión e control dos órganos da Administración do Estado e da Comunidade Autónoma e da Consellería de Emprego e Igualdade.
- Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control; así como das instancias comunitarias competentes a efectos dos fondos europeos do Mecanismo de Recuperación e Resiliencia.
- A concesión da axuda verase condicionada ao compromiso escrito da concesión dos dereitos e accesos necesarios para garantir que a Comisión, a Oficina Europea de Lucha contra a Fraude, o Tribunal de Contas Europeo, a Fiscalía Europea e as autoridades nacionais competentes exerzan as súas






competencias de control, de acordo co previsto ni artigo 22.2.e) do Regulamento (UE) 2021/241 do Parlamento Europeo e do Consello, do 12 de febreiro do 2021, e no artigo 129.1 do Regulamento (UE, Euratom) 2018/1046 do Parlamento Europeo e do Consello, do 18 de xullo de 2018 («Regulamento Financeiro»).


- Conservar a documentación xustificativa da aplicación dos fondos percibidos durante un período de 5 anos a partir do pago do saldo ou, a falta deste pago, da operación (artigo 22.2.f) do Regulamento (UE) 2021/241, que remite ao respecto ao disposto no artigo 132 do Regulamento Financeiro).
- Presentar, antes da sinatura deste convenio, declaración responsable de atoparse ao corrente no cumprimento das obrigas tributarias e fronte á Seguridade Social e de non ter pendente de pago algunha outra débeda coa Administración pública da Comunidade Autónoma, así como de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 10, 11 e 13 do Regulamento da citada lei, aprobado polo Decreto 11/2009, do 8 de xaneiro.
- Reintegrar a contía percibida no caso de incumprimento das condicións establecidas no convenio para a súa percepción.
- Tratar dun xeito confidencial toda a información recibida directa ou indirectamente e a non utilizar ningún dato desa información de maneira distinta ao obxecto do presente convenio. Así mesmo queda obrigada a manter de forma confidencial e a non revelar ningún dato da información coñecida sen o consentimento previo da Consellería de Emprego e Igualdade.
- As demais obrigas previstas no artigo 11 da Lei 9/2007, do 13 de xuño.

De acordo co previsto no Plan de Recuperación, Transformación e Resiliencia, aprobado polo Consello de Ministros o 27 de abril de 2021 e no Regulamento




(UE) número 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, en todas as fases do deseño e execución dos proxectos, a administración comprométese a garantir o cumprimento do principio de "non causar dano significativo" (principio "do no significant harm – DNSH") e o relativo a etiquetaxe verde e dixital.

En relación co cumprimento do principio de "non causar dano significativo", o beneficiario da subvención deberá achegar unha declaración responsable segundo o modelo do cuestionario de autoevaluación que se atopa no seguinte enderezo do Ministerio para a Transición Ecolóxica e o reto demográfico:


https://www.miteco.gob.es/es/ministerio/recuperacion-transformacion-resiliencia/transicion-verde/cuestionariodnshmitecov20_tcm30-529213.pdf, e seguindo ás directrices recollidas na Comunicación da Comisión Europea (2021/ C 58/01), «Guía técnica sobre a aplicación do principio de «non causar un prexuízo significativo» en virtude do Regulamento relativo ao Mecanismo de Recuperación e Resiliencia» .

A Consellería de Emprego e Igualdade comprométese a colaborar no financiamento do custo das actuacións previstas polo importe establecido na cláusula quinta.


Asimismo, en orde a dar cumprimento a obriga de prevención, detección e persecución da fraude, a corrupción e o conflito de intereses como refire o artigo 6 da Orde HFP/1030/2021 conforme ao previsto no artigo 22 do Regulamento (UE) 241/2021 do Parlamento Europeo e do Consello, do 12 de febreiro de 2021, en relación coa protección dos intereses financeiros da Unión Europea, sublíñase a existencia da canle de denuncias do Servizo Nacional de Coordinación Antifraude (SNCA), que resulta aplicable para todo proxecto ou



operación financiado total ou parcialmente con cargo a fondos procedentes da Unión Europea (<http://www.conselliadefacenda.es/areas-tematicas/planificacion-e-fondos/periodo-comunitario-2014-2020/medidas-antifraude/snca-olaf>), como sinala a Comunicación 1/2017, de 6 de abril, do dito Servizo co obxectivo de que calquera persoa que teña coñecemento de feitos que poidan ser constitutivos de fraude ou irregularidade en relación cos proxectos financiados con cargo a fondos procedentes da Unión Europea, podan poñelos en coñecemento do devandito Servizo.

A subvención regulada neste convenio será compatibles con outras subvencións, axudas, ingresos ou recursos para a mesma finalidade, procedentes de calquera administración ou entidade, pública ou privada. Deberá quedar, en todo caso, identificada nitidamente a trazabilidade dos gastos. Con todo, estas subvencións son incompatibles coa recepción doutros fondos comunitarios para a execución dos mesmos proxectos, non podéndose incorrer en dobre financiamento.

Conforme ao artigo 9 do Regulamento (UE) 2021/241 do Parlamento Europeo e do Consello, do 12 de febreiro de 2021, os proxectos financiados polo Mecanismo de Recuperación e Resiliencia poden recibir axuda doutros programas e instrumentos da Unión sempre que dita axuda non cubra o mesmo custo que os que xa financie a subvención deste programa. O beneficiario deberá comunicar á Administración que conceda a subvención a obtención doutras subvencións ou axudas para a mesma finalidade sen incorrer en dobre financiamento sobre o mesmo custo, procedentes de calquera outras administracións ou entes públicos, nacionais ou internacionais.





Décima.- Disponibilidade dos resultados e conclusións das actuacións realizadas.

O diversos datos, análise, estudos estatísticos e participativos e as conclusións e determinacións resultantes en desenvolvemento das actuacións previstas neste convenio de colaboración, será de uso e titularidade común polas partes asinantes.

Así mesmo, calquera dereito de propiedade industrial e intelectual sobre o material que resulte das actuacións do presente convenio será de titularidade conxunta das partes asinantes, de xeito que ningunha poida facer uso dos citados dereitos coa oposición de calquera dos asinantes.

Calquera modificación dos resultados deberá ser autorizada polas partes asinantes, non obstante a Consellería, no cumprimento dos seus fins institucionais, poderá utilizar libre e gratuitamente os traballos, datos de todo tipo, resultados, análises, informes e conclusións que se deriven das actuacións obxecto do convenio. En todo caso, nas accións de difusión de datos e informes obtidos pola execución destas accións farase sempre referencia ao presente convenio.

Décimo primeira.- Inexistencia de relación laboral

A subscrición do presente convenio non implicará relación laboral ou de calquera outra natureza entre a Consellería de Emprego e Igualdade ou calquera organismo ou entidade dependente ou vinculado á mesma, e as persoas ou profesionais que desenvolvan as accións que constitúen o seu obxecto, de tal xeito que, por este concepto, non se lle poderá esixir a este departamento ningunha responsabilidade directa nin subsidiaria por actos ou feitos acaecidos no desenvolvemento deste.

Décimo segunda.- Modificación e resolución do convenio

Toda alteración das condicións tidas en conta para a concesión da subvención instrumentalizada no presente convenio dará lugar á súa modificación, sendo de aplicación as previsións ao respecto contidas na Lei 9/2007, de 13 de xuño, e no regulamento da dita lei; e, en particular cómpre estar ao disposto no artigo 31. 4 da Lei 14/2013, do 26 de decembro, de racionalización do sector público autonómico, segundo o cal *“Os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sostibilidade financeira”*.

En canto ás causas de resolución do Convenio, serán as seguintes:

- O incumprimento do seu obxecto.
- O incumprimento total ou parcial de calquera das cláusulas que nel se establecen.
- As modificacións das directrices de desenvolvemento sen contar coa previa autorización escrita da Consellería de Emprego e Igualdade.
- A decisión xudicial declarativa da nulidade do convenio.

Ademais disto, o incumprimento total dos fins do convenio, a non realización das actividades previstas ou o incumprimento da obriga de xustificación dará lugar á perda do dereito ao cobro ou, no seu caso, ao reintegro da totalidade da contía xa percibida.

Calquera outro incumprimento parcial dos fins do convenio ou da obriga de xustificación, dará lugar a perda do dereito ao cobro ou, no seu caso, ao reintegro ao Tesouro da Xunta de Galicia das contías xa aboadas na porcentaxe correspondente á inversión non efectuada ou non xustificada, cos



xuros a que dean lugar, de conformidade coa normativa autonómica de aplicación e nos prazos máis perentorios que esta dispuxese.

Toda alteración das condicións tidas en conta para a subscripción do convenio e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da contía contemplada no presente convenio.

Décimo terceira.- Comisión de seguimento

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión paritaria de seguimento que estará integrada, por parte da Consellería de Emprego e Igualdade, por dous funcionarios da Dirección Xeral de Formación e Colocación, e dúas persoas por parte da Fundación Monte do Gozo.

A actuación da Comisión de Seguimento axustarase ao establecido nos preceptos básicos da Lei 40/2015, do 1 de outubro, de réxime xurídico do sector público, e na Lei 16/2010, de 17 decembro, de organización e funcionamento da administración xeral e do sector público autonómico de Galicia.

Décimo cuarta.- Natureza xurídica, réxime xurídico e xurisdición competente

Este convenio ten natureza administrativa, e rexerese polas súas propias cláusulas. A xurisdición contencioso-administrativa será a competente para entender dos litixios que puideran xurdir.

En todo o non sinalado estarase ao previsto pola Lei 9/2007, do 13 de xuño, de subvencións de Galicia, o Decreto 11/2009 e polas demais normas de dereito administrativo aplicables.

Décimo quinta.- Autorización e publicidade

A Fundación autoriza á Consellería de Emprego e Igualdade a obtención de forma directa da acreditación do cumprimento das súas obrigas tributarias coa Axencia Estatal da Administración Tributaria, coa Consellería competente en materia de Facenda da Xunta de Galicia e coa Tesouraría Xeral da Seguridade Social, a través de certificados telemáticos.

Así mesmo, as partes asinantes deste convenio outorgan o seu consentimento para que os datos persoais e o resto das especificacións que constan no citado convenio sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.

En cumprimento do disposto no artigo 20 da Lei 38/2003, de 17 de novembro, xeral de subvencións, o texto do convenio e a información requirida no ordinal oitavo do devandito artigo será comunicado á Base de datos nacional de subvencións (BDNS).

Décimo sexta.- Protección de datos.

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a



Directiva 95/46/CE (Reglamento xeral de protección de datos), da Lei Orgánica 3/2018, do 5 de decembro, de Protección de Datos Personais e garantía dos dereitos dixitais, do Real Decreto 1720/2007, do 21 de decembro, polo que se aproba o Regulamento de desenvolvemento da Lei Orgánica de Protección de Datos, e demais normativa vixente de aplicación en cada momento en materia de protección de datos.

Décimo sétima.- Vixencia

O presente Convenio terá vixencia dende a súa sinatura e ata o 30 de decembro de 2022, e poderá prorrogarse de común acordo por ambas partes.

E, en proba de conformidade cos termos do Convenio, as partes comparecentes asinan e rubrican, por duplicado exemplar no lugar e data indicados no encabezamento

A Conselleira de Emprego e Igualdade



M^a Jesús Lorenzana Somoza

A Fundación Monte do Gozo

Ramón Gómez Crespo